

»» Аждодларимиз жасорати – ёшлар учун ибрат

ВАТАНГА ЧЕКСИЗ САДОҚАТНИНГ ЁРҚИН РАМЗЛАРИ

**ҚОЗОҚ ХОНЛИГИ ДАВРИДАГИ МАҒКУРА:
ЖАНГОВАР-ВАТАНПАРВАРЛИК РҲҲНИ ТАЪРИФЛАШДА
ҚЎБИЛАНДИ БОТИР ДОСТИНИНИНГ АҲАМИЯТИ**



Вилоят марказида ўтган тарихий анжуман қозоқ халқининг машҳур қаҳрамон фарзандлари Қўбиланди ботир ҳамда 1924 йили 25 майда таваллуд топган Совет Иттифоқи Қаҳрамони, Мустақил Қозоғистоннинг биринчи мудофаа вазири, армия генерали Сағадат Қўжахметули ҳаёти, фаолияти ҳамда бугунги авлодга тарбиявий аҳамияти мавзусига бағишланди.



Залда ёнимда ўтирган кекса меҳмон, кўшни Ўзбекистоннинг Навоий шаҳридан ташриф буюрган Тўребай Сарсенбайули билан ҳам мулоқотда ушбу анжуман ва Қўбиланди ботир шахсига бўлган ҳурматим янада ортди. ХҚТУ профессори Дўсай Кенжетай бошқарган илмий анжуман аввалида вилоят маданият бошқармаси бошлиғи Азимхан Қўйлибаев меҳмонларни муборақбод этди. Вилоят оқсоқоллар кенгаши раиси Жарилқасин Азиретбергенов хотиралари, адабиётшунос-тарихшунос профессорлар Шакир Ибраев, Тинишбек Қўниратбаев, Бахт Абжат маърузаларида Қўбиланди ботир



шахси ва машҳур достони ҳақида маълумот берилди.

Теги бир туркий – қозоқ, ўзбек, қирғиз, қорақалпоқ халқлари учун муштарак бўлган Қўбиланди ботирнинг эл ҳимояси йўлидаги довораклиги ҳақида бугунгача жами 29та эпос достонлари мавжуд. Энг мукаммал – маърифатпарвар олим Ибрай Алтинсарин 1860 йили оқин Марабай Мергенбайдан

ёзиб олган нусхаси ҳисобланади. Қадрдон ватанга садоқат, она юрт равнақиға холис хизмат, эл муҳофазасига тайёр туришдек фазилатлар ёш авлод учун ибрат мактабидир.

Ясси қишлоқ округи ҳудудида Қўбиланди ботир истироҳат боғи ҳамда қаҳрамон хотирасига бағишланган баландлиги 15 метрлик улкан ёдгорлик тантанали очилди.

Унинг ҳоймиси, Саврон тумани жамоатчилик кенгаши раиси, таниқли тадбиркор Абсамат Матқаримулиға “Ҳисса” хайрия жағнамаси таъсис этган “Туркистон вилоятининг ибратли фуқароси” унвони тақдим этилди. Мукофотни фахрий отахон Тўлқин Саидмуродов, фаол обунчаларимиз Дониш Маннотов ва Ражаб Қариевлар топширишди.

Анжуманда ХҚТУ олими Д. Кенжетай монументал ҳайкал очилган “Енбекши дихан» аҳоли манзилининг илгариги тарихий номи – Чўбонқ ҳақида фикр юритди. Қишлоқ оқсоқоли Бобош Мутеновнинг тарихий Чўбонқ номига қайта тиклаш ҳақидаги таклифи рўйбага охша, ажаб эмас. Зеро, анжуман аҳли номидан ушбу таклиф вилоят ономастика комиссиясига йўлланди.

Ш. МАДАЛИЕВ.

Тасвирларда: тадбирдан лавҳалар.

Муаллиф суратга олган.



»» Туркистон вилояти ташкил этилганига – 6 йил

ТАРАҚҚИЁТ ВА БУНЁДКОРЛИК МАҲСУЛИ



Мен Саврон тумани, Эски Иқон қишлоғидаги Ал Форобий номи умумтаълим мактабида ёш авлодга таълим берман. Мактабимиз туман, вилоят, республика танловларида голибликни кўлга киритмоқда. Бу ҳақда суюқли нахшимиз “Жанубий Қозоғистон” вилоят газетасида мунтазам ўқи, фахрланаман.

Ҳазрат Аҳмад Яссавийнинг замондоши бўлган Ошиқ Юсуф ота мажмуасини зиёрат қилувчилар сони ҳам кун сайин ортиб бормоқда. Қишлоғимиз марказида янги муҳташам бинолар, савдо марказлари барпо этилиб, халққа хизмат кўрсатмоқда.

Вилоят маркази Туркистон шаҳри, Яссавий мақбараси атрофи жаҳон сайёҳлик марказлари андазалари даражасида ободонлаштирилиб, кў-

каламзорлаштирилди. Зиёратчилар учун барча қулайликлар яратилган. Узоқ-яқиндан келган меҳмонларни фахр-ифтихор ила кўҳна ва навқирон Туркистоннинг диққатга сазовор қадимжоларини зиёрат қилишга чорламоқдамиз.

Ташкил топганига 6 йил бўлаётган Туркистон вилоятининг фуқароси эканлигим билан фахрланаман.

Равшаной АРСЛОҶОВА.

Сайрам даҳасидаги Садоқатхон Сулаймонова раҳбарлик қилаётган «Жамоллой она» болалар боғчасида «Ёш расом» мавзусида тадбир ўтди.

Унинг ташаббускорлари – тарбиячилар Зулфия Ниёзалиева ҳамда Доно Рашидованинг айтишича, мақсад – касбга қизиқтириш, болаларнинг хулқ-атворини яхшилаш, улардаги қобилиятни, истеъдодни кўллаб-қувватлашдан иборат эди. Танлов фарзандлар келажакнинг пойдеворини мустаҳкамлаш учун қўйилган яна бир қадам бўлди.

Тадбирда болаларнинг қўл ҳаракатларини ривожлантириш учун «Триз педагогикаси» усули қўлланилди. 4 нафар боладан иборат 6 та гуруҳ қатнашчилари акварель, гуаш, пластилин ёрдамида табиат манзараларини ифодалашди.

Ҳайрат аъзолари уларнинг ижодига юксак баҳо берди. Тадбирда иштирок этган расом ва сеҳргар уни қизиқарли ўтишига ҳисса қўшди. Ғолиблар ташаккурнома билан тақдирланди.

М. УСМОНОВА.

ЁШ РАССОМЛАР ТАНЛОВИ



»» Шашка

ЖАҲОН КУБОГИГА ҚАТНАШДИ

11-18 май кунлари Ўзбекистоннинг пойтахти Тошкент шаҳрида 64 катакли шашка бўйича жаҳон кубоги бўлиб ўтди.

Аҳамиятли жиҳати, унда “Янги Иқон” умумий ўрта мактабининг ўзбек тили ва адабиёти ўқитувчиси Ажазон Иззатуллаев билан 3-“А” синф ўқувчиси Маржонабегим Ирисбек иштирок этди. Ёш бўлишига қарамай, Маржонабегим мазкур нуфузли

мусобақада муваффақиятли иштирок этиб, кучли еттиликдан ўрин олди. Шашка тўғрисида қатнашган бошлаганига эндигина етти ой бўлган Маржонабегим бунга қадар Туркистон вилоятининг биринчилигида иккинчи ва учинчи ўринларни кўлга киритиб, ҚР биринчилигида иштирок этган эди.

“Жанубий Қозоғистон” муҳбири.



»» Янги Қозоғистонни бирга барпо этамиз!

“SENIM SEN SORIUM” – ИШОНЧЛИ ҲАМКОРЛИК

Туркистон шаҳрининг Самал кичик туманида 75 ўринли “SENIM SEN SORIUM” номи янги болалар боғчаси фаолиятини бошлади.



Муассаса мутасаддиси Шаҳзода Эшметованинг гапларига кўра, кичик гуруҳга бир ярим ёшдан, ўрта гуруҳга уч ёшдан ҳамда мактабгача тайёрларлик гуруҳига беш ёшдан болалар қабул қилинади. Болалар боғчаси тарбияланувчилари тўрт маҳал овқат билан таъминланади. Ушбу маскан автоқўликлар қатнови гажум кўча шовқин-суронидан ҳоли.

Соя-салқин боғча ҳовлисида кичкинтойлар турли жисмоний ўйинлар билан машғул бўлиши учун барча шароитлар муҳайё.

Тарбияланувчилар олий маълумоти мураббийлар назоратида бўлишади. Тажрибали логопед-дефектолог Гулноз Матиева болалар талаффузидаги нуқсонларни бартараф этишга кафолат беради. Болалар боғчаси жамоаси – “Жанубий Қозоғистон” газетасининг обунчалари.

Ш. МАДАЛИЕВ.

Тасвирда: кичкинтойлар эртак томоша қилмоқда.

Муаллиф суратга олган.



САЙРАМЛИК ХОККЕЙЧИ ҚИЗЛАР

Сайрам туманида хоккей спортини ривожлантиришга алоҳида эътибор қаратилмоқда. «Ақсу жекпе-жек» спорт клубида очилган хоккей тўғрисида 80 нафарга яқин бола қатнашмоқда. Малакали мураббийлар ўғил-қизлардан иборат иккита гуруҳда иш олиб бормоқда.

Яқинда Қизилўрда вилояти, Сирдарё туманида хоккейдан Қозоғистон Республикасида хизмат кўрсатган мураббий, СССР спорт устаси Султан Қобландин хотирасига бағишланган турнир ўтди. Чим устидаги хоккей мусобақасида 13та жамоа иштирок этди. Унда муваффақиятли қатнашган Қанат Накипов мураббийлик қилаётган Сайрамнинг қизлар жамоаси 3-ўринни эгаллади.

Вилоят ҳокимининг матбуот хизмати.

